

## Имомлари иттифоқ қилган ҳадислар / Олти саҳиҳ имомлари иттифоқ қилган ҳадислар / 107-ҳадис

107 - عَنْ أَبِي قَتَادَةَ، صَاحِبِ رَسُولِ اللَّهِ صَلَى اللَّهُ عَلَيْهِ وَسَلَّمَ، قَالَ: دَخَلْتُ الْمَسْجِدَ وَرَسُولُ اللَّهِ صَلَى اللَّهُ عَلَيْهِ وَسَلَّمَ جَالِسٌ بَيْنَ ظَهَرَانِ النَّاسِ - قَالَ - فَجَلَسْتُ، فَقَالَ رَسُولُ اللَّهِ صَلَى اللَّهُ عَلَيْهِ وَسَلَّمَ: «مَا مَنَعَكَ أَنْ يَكُونَ كُعَيْنِ قَبْلَ أَنْ يَجْلِسَ؟» قَالَ: فَقُلْتُ: يَا رَسُولَ اللَّهِ، رَأَيْتُكَ جَالِسًا وَالنَّاسُ جُلُوسٌ. قَالَ: «فَإِذَا دَخَلْتَ أَحَدُكُمُ الْمَسْجِدَ فَلَا يَجْلِسْنَ حَتَّى يَكُونَ كُعَيْنِ».

[خ 444، م 714، ت 316، س 730، د 467، جه 1013]

Абу Қатода розияллоҳу анҳудан ривоят қилинади:

«Масжидга кирдим. Расулуллоҳ соллаллоҳу алайҳи васаллам одамларнинг орасида ўтирган эканлар. Мен ҳам ўтирдим. Расулуллоҳ соллаллоҳу алайҳи васаллам: **«Нима учун ўтиришдан олдин икки ракъат намоз ўқиб олмадинг?»** дедилар. «Эй Аллоҳнинг Расули, қарасам, сиз ҳам ўтирибсиз, одамлар ҳам ўтиришган экан», дедим. У зот: **«Бирортангиз масжидга кирса, икки ракъат намоз ўқимагунича ўтирмасин»**, дедилар».

*Ином Бухорий, Муслим, Термизий, Насаий, Абу Довуд ва Ибн Можа ривоят қилишган.*

Манба: [hadis.islom.uz](http://hadis.islom.uz)



